

漳州府志

卷十三(世二册内)

三五公司所藏

ル 5
3438
13



門 几 5
號 3438
卷 13

漳州府志卷之二十三

兵紀下乾隆志卷二十四總兵官有新增



歷官

舊設駐防漳州總兵官

孟全勝 順治四年駐防

王邦俊

王之鼎

許天寵

吳三畏 武狀元康熙十七年任

金世榮 正黃旗人二十二年裁改漳浦總兵

舊設城守副將

楊佐

張世輝 降海

丁國用

卜世龍

漳州府志

卷之二十三

兵紀二

二百六十二

早稻田大學圖書館
32.4.16
藏書

袁如桂 康熙七年任

張應詔

朱作楫 十七年任

郭忠孝

涂鎧 河南人

林寶 漳浦人

李信 以上俱二十七年以前任

相傳順治初年漳有另設遊擊一營名曰四城司巡哨專管城門其任者為徐耀云

舊設駐防漳浦總兵官

王之綱 順治四年任

楊捷 十二年任

王進功 十四年任

馬化麒 康熙三年任

劉炎 八年任復設十三年從逆

劉顯芳 十六年任

趙得壽 十七年任

金世榮 二十二年任二十七年移駐漳州

舊設漳浦城守副將

馮應第 順治五年任

楊世德 七年任

王進 九年任

鄒承勳 十年任

劉良璧 十一年任降海

舊設漳浦鎮標遊擊

劉進忠 順治十四年任

張威遠 康熙三年任

馮友魁 八年任

王昶 十七年任

張大相 二十二年任以上中營

涂光瑄 順治十年任

劉光捷 十四年任

張學堯 康熙三年任

徐德濟 八年任

熊成秀 二十二年任以上左營

姜騰蛟

順治十二年任

喻三元

十四年任

晉淑玉

康熙十七年任

張天錫

二十二年任
以上右營

敖應第

許國祥

劉超鳳

張遼

以上營分
年分無考

舊設漳浦鎮標守備

吳桂

漳州人浙江
提督吳郡父

鄭文明

楊德

侯世裔

李翹林

胡勝

光州籍
漳州人

潘益

以上營分年
分俱無考

舊設駐防雲霄營參將

楊三泰

汝欽恭

張國柱

順治五年
任有傳

包泰興

張韜

郭俊

田國泰

折公秋

田訓民

劉成長

以上俱康熙十
三年以前任

盧清祚

廣寧衛人康熙
十六年任

袁廷芝

大興人二十
二年任

舊設駐防海澄總兵官

張承恩

順治十
三年任

董大用

十八
年任

張公亮

關東人康熙
八年任

馬化麒

趙得勝

十三年任降耿精忠復降海後
從賊拒大兵見殺於興化

黃藍 漳州人十六年任城破
藍突圍出或云墜水死

舊設海澄副將

王之印 登州人

林日勝 泉州人 五年任

林葵 漳浦人 十九年任

舊設海澄鎮標遊擊

李元忠

邵維真

赫文興 順治九年降海

柳朝麟 有傳

韓英 山東人 康熙元年任

高明 十三年從趙得勝降海

張成功 十六年任城破降海 以上營分俱無考

按以上為順治及康熙初所設官其額已裁歷任姓

名存以備考此下乃定設之官所有稍改易處分注各官下

漳州鎮總兵官 康熙二十七年額設

金世榮 漳浦移駐漳州 康熙二十七年

張仕選 遼東人 二十九年任

王傑 義州人 三十七年任

李友臣 安定人 四十四年任

許鳳 漳州人 四十六年任

趙文璧 浙江武探花 五十四年任

陳棟 直隸武進人 雍正元年任

高世定 江南武進人 二十二年任

初有德 山東人 四十四年任

武進陞 山西人 十一年任

李蔭樾 陝西人 乾隆元年任

譚行義 四川武舉 二十二年任

龍有印 四川武舉 三年任

雷澤遠 湖廣武舉 八年任

黃貴 四川人 十年任

哈攀龍 直隸武狀元 十一年任

馬負書 直隸武狀元 十二年任

馬大用 江南武探花 十七年任

富海 滿州人 十八年任

王無黨 直隸武進士 二十年任

任澍 陝西人 二十四年任

葉相德 浙江武進士 三十二年任

何思和 福建人 世襲雲騎尉 三十四年任

章紳 直隸武進士 三十八年任

張和 江南武進士 三十八年任

李國梁 直隸武狀元 三十九年任

以下新增加 常泰 鑲藍旗人 四十六年任

顏鳴漢 廣東武進士 五十六年任

胡天格 貴州人 嘉慶四年任

李慶雲 正藍旗漢軍 人七年任

韋陀保 鑲紅旗人 十八年任

許松年 浙江人 十九年任

馬建紀 四川人 二十二年任

蘇勒芳阿 鑲白旗蒙古人 二十五年任

慶山 正藍旗人 道光元年任

桓格 鑲白旗人 二年任

黃文煜 鑲紅旗漢軍 五年任

唐文淑 廣西人 八年任

松青 正白旗人 十二年任

黃其漢 浙江人

兆麟

懷他布 鑲黃旗人 嶺軍校

郭仁布

曹三祝 咸豐三年會匪 襲漳城死之

梁翼之 陝西人 世襲

伊什札木蘇

繼興 俱咸豐間署任

祿魁 同治三年髮匪 陷漳城死之

羅大春

楊在元 俱同治間署任

孫開華 湖南人 同治六年任

宋桂芳

賴鎮海 廣東人

李東昇 湖南人

關鎮國 廣東人 光緒間署任

按自乾隆四十年以後鎮署舊案經同治三年粵匪

焚燬無從稽查致重纂通志亦未備載茲所新增尚

俟詳補也

鎮標中營遊擊

邱仕 保昌人 康熙二十八年任

陸臣揚 晉江籍 杭州人 三十九年任

尚之縉 饒黃旗人 四十四年任

陳祖訓 海澄人 四十九年任

何百祿 五十四年任

霍昇 陝西武進士 五十七年任

苟琮 四川武舉 雍正三年任

文濟高 海南人 十年任

陳訓 四川人 十年任

王守乾 陝西人 乾隆三年任

黃正綱 福建人 七年任

黃成緒 山東武進士 十二年任

紀樸 直隸武進士 十五年任

李如筠 陝西武進士 十六年任

陳瑤 浙江人 八年任

劉緒 山東武進士 二十年任

黃恩顯 浙江人 十一年任

趙文光 貴州武進士 三十三年任

胡璵 山東武進士 三十四年任

福蘭泰 鑲藍旗人 三十九年任

鎮標中營守備 康熙二十二年奉調臺灣 缺懸不補 至雍正十年復設 駐防南靖

顧秉忠 福州府人

劉源泗 鑲紅旗人

蕭錫勳 龍溪人

沈士瑚 江南武進士

陳起鵬 同安人

陳獻龍 泉州府人

劉定賢 廣東人 乾隆九年任

葉相德 浙江武進人 十五年任

李鷹揚 廣東武進人 二十年任

高夢彪 滿軍出旗人 二十三年任

楊輝 福建人 十二年任

羅大勇 福建人 十三年任

王定國 福建人 十七年任

王良佐 福建人 十年任

鎮標左營遊擊 原係漳浦營至乾隆二十年改為鎮標左營今自乾隆二十年以前為漳浦營遊擊二十年以後始為左營遊擊其駐劄仍在漳浦

唐欽明 順治四年駐防

鄭魁 康熙七年任初設

李世威

張國傑 八年任

哈什庫 十六年任

張天錫 二十七年任

李涵 順治八年任

李上通 南海人 十九年任

詹德基 杭州武進人 四十年任

趙邦瑞 陝西人 五十年任

熊登雲 寧夏人 五十年任

劉健 臨清州武進人 五十七年任

李彪 寶慶府人 雍正元年任

王臣 福建人 六年任

董文宗 臨海人 八年任

劉福材 咸寧人 乾隆三年任

李文成 蘭州人 七年任

周廷鳳 潮陽人 武進士 三十年任至二十年

五訥 正黃旗人 二十年任

成器 正黃旗人 二十五年任

葉元聰 廣東興寧人 二十九年任

王夢麟 南陽武進士 三十四年任

蘇華國 新平人 三十五年任

素克敦 鑲藍旗人 三十七年任

鎮標左營守備 原係漳浦營至乾隆二十年改為鎮標左營今自乾隆二十年以前為漳浦營守備

王起俸 順治間任降海 隨防漳浦二十年以後始為左營守備 隨防府汛

沈大成 二十八年任 匡祥 荆州人三十任

馬虎 三十一年任 蔣之濟 湖州人三十三年任

胡德 漳浦人四十年任 方輿 衢州武進士四十三年任

霍昇 陝西人五十年任 蕪明良 海澄人五十七年任

李為正 山東人雍正元年任 成偉 江南人元年任

蕭世傑 遼東人五年任 張克言 東鹿人五年任

周宏祚 四川人十年任 馬隆羣 長治人乾隆二年任

陳鳴遠 四川人八年任 鄭騰 福清人十年任

陳國卿 閩縣人三十年任 胡環 山東武進士十九年任

卓士起 晉江人二十七年任 范建融 鑲黃旗人三十二年任

楊景倫 普定武舉三十年任 鎮標右營遊擊 原係海澄營至乾隆二十年改為鎮標右營今自乾隆二十年以前為海澄營遊擊

李貞泰 孝感人康熙二十三年任 匡祥 荆州人三十一年任

王貴 西安人三十八年任 張國裕 慶陽人四十四年任

張鳴珂 湖廣人四十八年任 苗景龍 寧夏人五十四年任

安奎 陝西人五十六年任

康陵 漳州人雍正元年任

黃有才 同安人二年任

楊作裕 福州人三年任

周可昌 浙江人七年任

劉英 陝西人乾隆元年任

陳李得 浙江人五年任

六十五 鑲黃旗人八年任

滿丕 正黃旗人十六年任

陳大紱 南鄭武進士十七年任至二十四年

溫有哲 山西人榜眼
○以上為海澄營遊擊後始為右營遊擊

戴廷棟 咸寧人二十四年任

戴續 內江人二十六年任

何瓊詔 廣東武進士二十八年任

張拱辰 東莞武進士三十一年任

余大進 海陽武進士三十二年任

王玉 周源州人三十五年任

星保 鑲紅旗人三十七年任

鎮標右營守備

原係海澄營至乾隆二十年改為鎮標右營今自乾隆二十年以前為海澄營守備為右營守備隨防府汛

李琦 福清人康熙二十七年任

陳進忠 浙江人三十二年任

李煥 莒州人三十五年任

余建 銅陵武進士三十九年任

林發 漳州人四十八年任

張義 順德人四十九年任

廖騰颺 興化人五十七年任

江化龍 廣東人六十年任

林道 漳浦人雍正五年任

鄭天培 江西南人八年任

臧正煒 浙江武進士十三年任

黃聖麒 興化人乾隆六年任

張世瑛 閩縣人八年任

王瑛 江西南人十年任

劉文蒿 山西人十一年任

劉達武 羅源人五年任

許大略 廣東饒平武進士十八年任至二十年改海澄營為鎮標右營遂任右營守備。以上為海澄

營守備後始為右營守備

齊 實 咸寧人二十一年任

石致遠 益都人二十九年任

許大志 奉化人三十五年任

城守營遊擊

林 翰 徐州人康熙二十七年任

孔尚家 山東人四十六年任

林 發 漳州人四十九年任

明毓秀 陝西人五十二年任

劉永貴 陝西武舉雍正二年任

王繼禹 廣東人乾隆元年任

宗士俊 直隸武進士五年任

李雲標 直隸武進士十五年任

城守營都司 乾隆十九年改為都司

章奏光 浙江武舉十九年任

任 麟 北京人二十三年任

秦 泮 福建人二十八年任

胡廷偉 福建人三十五年任

城守營守備

馬成麟 鑲藍旗人二十六年任

郭全上 贛縣人三十三年任

鍾 和 武岡州人三十七年任

陳 赤 山陽武進士三十七年任

杜長青 濬縣人四十七年任

李雲龍 直隸人五十二年任

林天爵 直隸人五十八年任

李洽發 浙江人七十年任

甯繼武 直隸人三十八年任

袁應虎 回回人九十年任

鄧文鼎 貴州人二十一年任

李定元 廣東武進士二十五年任

徐經國 漢軍出旗寄居福建三十二年任

隋光德 山東武舉三十七年任

劉欽 寧夏人康熙二十七年任

廖騰煌 遼東人三十七年任

蔣立勳 陳州武舉五年任

何宗英 福建人四十八年任

張顯秀 陝西人五十九年任

李青隆 廣東人雍正三年任

陳學明 陝西人五十九年任

蔡長青 福建人四十四年任

賀經魁 江南武進士四年任

吳濟川 福建人四十四年任

歐平 山東人九年任

潘御勇 廣東人十二年任

李元 廣東人乾隆元年任

陳士挺 福建人十一年任

歐世亮 福建人十四年任

許績 福建人十六年任

趙一琴 浙江人二十一年任

段起鳳 蒙古人二十四年任

治繼明 回人二十七年任

許大志 浙江人三十年任

周兆鼇 陝西人三十三年任

李應第 湖南武舉三十八年任

董慎德 山西武舉三十九年任

平和營遊擊 原係鎮標左營至乾隆二十年以漳浦營為鎮標左營只稱平和營今自乾隆二十年以後為平和營遊擊

熊成秀 歷城人康熙二十七年任

張繼良 開封府人三十年任

高天位 西寧衛人三十六年任

葛嶽 正定人四十年任

趙昉 通州人四十三年任

歐少儒 寧夏人五十二年任

齊元輔

王一德 漳州人

張永龍 榆林衛人

王景 江南人

文際高 廣東人

羅世正 寧夏人

胡楷

朱虎

游金輅 辰溪人

劉瑢

伍訥 以上為左營遊擊後乃為平和營遊擊

周廷鳳 朝陽人二

書林 鑲黃旗人二

薩炳阿 正白旗人三

何俊 錢塘人三

平和營守備 乾隆二十年以前任者為鎮標左營守備二十年以後乃為平和營守備

沈德蕃 石埭人康熙二十二年任

詹德基 杭州武進士三十六年任

李祖 安溪人四

姚應宗 武陵人四

按自康熙四十九年以後至乾隆二十年以前營分未改姓名年任俱失記無考茲特闕之以俟稽查補

八

任麟 元城人乾隆二十年任

黃必成 晉江人二

卓士起 晉江人二

胡璣 齊東人二

朱忠義 晉江人二

賈迨 閩縣人二

趙士麟 晉江人三

郭光朝 閩縣人三

許得勝 晉江人三

詔安營遊擊

張威遠 康熙二年任

喻三元 五年任

邵良臣 八年任

徐天祿 潘陽人正黃旗十六年任

王日暉 九江人二

乜春貴 歷城人二

漳州府志

卷之三十三

兵紀二

七

三百九十九

王應科 北直人 十五年任

和養性 奉天人 十九年任

李國印 甘肅人 十七年任

侯灃 陝西人 四十八年任

余三勇 陝西人 十一年任

梁明珍 松藩人 十六年任

黃元溥 漢陽武進人 六十一年任

雷澤遠 江夏人 正九年任

聞上達 閩縣人 隆二年任

黃成緒 歷城人 九年任

王天祿 普定人 十一年任

李如筠 咸寧武會人 十三年任

唐紹堯 江陵武進人 十八年任

李之安 江陵人 十二年任

章奏功 蘭谿人 十五年任

鄧文鼎 竹山人 十八年任

長福 正白旗人 十一年任

福隆阿 鑲紅旗人 十二年任

劉維藩 大定人 十四年任

魏世璉 武陵人 十五年任

詔安營守備

郝三桂 康熙二年任

顏斌 五年任

劉超鳳 武進人 八年任

馬之驥 陝西人 六年任

彭進忠 承平人 十一年任

屠士雋 秀水人 十四年任

李國輔 河南人 十七年任

霍維嘉 貴州武舉人 十九年任

張良 江南人 十二年任

張駭 江南人 十三年任

陳爾祿 湖廣人 十七年任

陳永立 上元人 十三年任

陳瑛 仁和人 十一年任

楊豹 泉州人 正三年任

文際高 廣東人 六年任

盧國柱 陝西人 八年任

林君卿 漳州人 八年任

王世俊 浙江人 十年任

馬龍圖 晉江人 乾隆元年任

陳起鵬 同安人 四年任

李元侯 陝西人 十年任

張國泰 北直人 十年任

金聯璧 霞浦人 二十年任

陳應 閩縣人 十年任

吳必耀 閩縣人 十九年任

孫士行 閩縣人 十九年任

洪瑞 臨海人 乾隆八年任

陳獻龍 泉州人 十年任

曹廷科 錢塘人 十年任

林國樑 莆田人 十年任

王廷元 平陽人 十年任

黃世泰 晉江人 十年任

夏之琦 閩縣人 十六年任

宋建隆 閩縣人 十一年任

白國樑 閩縣人 十五年任

武紹熊 閩縣人 十七年任

雲霄營遊擊

喻興 莆田人 康熙二十七年任

馮昭京 鑲紅旗人 三十年任

苗守強 襄陽人 十四年任

洪德 同安人 十一年任

張伏 陝西人 十五年任

丁廷植 山西人 十七年任

陳堂 山西武進人 四十八年任

陳敦 宣化武進人 五十二年任

金作礪 陝西人 十八年任

黃正中 正白旗人 正九年任

范榮 大同人 隆二年任

陳賢生 象山人 三年任

李兆廣 南海人 八年任

孫國相 上元人 九年任

時泰 正紅旗人 十六年任

寶瓚 平定人 十一年任

顧廷機 鑲黃旗人二十五年任
趙煜 成都人三十七年任

沈瑄 寧朔人三十四年任
岱明阿 鑲白旗人三十八年任

雲霄營守備

蔡忠

牛朝宰

張其憲 以上年分籍貫無考

尤斯昌 錢塘人康熙十六年任

賴益桐 十八年任

邵良弼 京衛人二十二年任

楊化麒 大原人三十二年任

李宗玉 平樂人四十二年任

齊元輔 直隸人五十二年任

陳宏烈 詔安人五十五年任

柯宏 閩縣人五十九年任

蔡榮 漳浦人雍正五年任

黃正中 正白旗人六十年任

彭捷 延平人七十年任

李天培 大同人八十年任

馬英 錢塘人乾隆元年任

翁魁 同安人七十年任

周龍 同安人八十年任

何玉 仁和人八十年任

康信 饒平人八十四年任

鄭文 錢塘人八十八年任

徐漢 閩縣人九十二年任

萬文顯 閩縣人九十八年任

蘓華國 新平人九十二年任

黃正蕃 上杭人三十五年任

胡瑞 閩縣人三十九年任

按歷官載至守備止千把不載仍舊例也不載龍巖同安兩營官者以所轄之地乃別屬也別屬志自載之矣

水師鎮營沿革

銅山康熙十九年設總兵官轄中左右三營城守遊擊一營二十三年裁總兵官并中營改協鎮副將轄左右二營二十四年裁城守營二十七年裁協標左營三十二年裁副將定為遊擊一營雍正二年陞為參將一營南灣康熙二十四年移廈門鎮總兵官并中左右三營官兵駐南灣是為南灣鎮旋裁中營以左營為福營右營為廣營

龍溪海澄康熙二十年撥廈門水師提督各營官兵分防龍溪石碼福滸等處汛地海澄海門容川碼等處汛地海澄順治十八年設副將統三營康熙二年設提督統五營十九年移提督於廈門海澄但有提標分汛而已

鎮海康熙二十四年撥金門鎮官兵分防鎮海四十三年添設井尾灣一汛

按漳屬水師銅山一營南灣鎮左營一營餘或撥廈門提標官兵分防或撥金門鎮官兵分防無專營廈門金門漳泉保障屬其汛地則聲勢易通也

水師將弁兵馬船隻

銅山營參將一員守備一員千總二員把總四員外委千總三員外委把總六員額外外委四員戰兵五百三十六名守兵六百六十四名各官自備馬二十四匹趕繪船六隻雙篷船哨船七隻八槳船三隻

南灣鎮總兵官一員自備馬一十六匹轄左營福營右營
一廣營

鎮標左營遊擊一員守備一員千總二員把總四員外委
千總三員外委把總六員額外外委四員戰兵五百五
十九名守兵六百名各官自備馬二十二匹趕繪船六
隻艍哨船五隻

右營屬廣東制略與左營同

按此就專營者載之其屬廈門提標及金門鎮撥防
者官兵船隻多少注於各汛下如左

水師廈門提標防汛

左營石碼鎮城 距郡東四十里為龍溪海澄分界船隻出
入必經之所駐防左營遊擊一員千總一

員把總一員兵三
百名戰船二號

本汛 衙署一座營房九十二間大鉗炮
九位兵一百二十八名戰船一號

木屐街汛 千總一員兵六十一名
漿船一號營房四間

龍海橋汛 兵二十六名戰船
一號塘屋二間

南臺汛 兵十二名
塘房二間

港口汛 兵十二名
塘屋二間

烏礁汛 兵十二名塘屋二間
俱木屐街汛千總兼轄

福滸汛 距縣東三十里與三又河隔水為犄角分
防左營把總一員兵五十名漿船二號

北溪頭汛 兵六名
汛把總兼轄

右營玉洲汛

距郡東四十里南臨河與許茂交界船隻往來必經之所分防右營把總一員兵六十名

三叉河汛

距郡東三十餘里匯西北二溪之水稍前浮許茂烏礁二洲分中港南港北港中港夾二洲隨流直入于海南港由石碼海澄南大泥尾入海北港由玉洲石美入海為諸路要衝船隻出入必經之所舊設守備奉裁復設分防右營把總亦裁只留兵七十名大小鈇砲九位營房六間戰船一號

灣頭汛

近江東南臨河船隻往來必經之所兵十五名營房三間

石美汛

距郡東六十里逼近海口為漳州廈門衝要之地兵十名營房二間

東尾汛

距灣頭汛五里南臨河水程上通漳城下通廈門兵一十名營房二間

許茂汛

在三叉河之左三面臨河兵十名營房二間

烏嶼汛

距石美汛五里南臨河船隻往來必經之所兵十名營房二間。俱玉洲汛把總兼轄

以上龍溪地

中營海門汛

距海澄廈門各半潮水有南北二山四至環海船隻出入衝要之所分防中營千總一員兵六十名戰船二隻

容川碼汛

近港口城外東連中權關北臨溪尾港口船隻灣泊往來必經之所兵四十名

青浦圭嶼二汛

在金門海澄汛防之交兵三十名。俱海門汛千總兼轄

浯嶼

即明浯嶼寨在海澄同安之交船隻往來必經之所康熙初年設浯嶼營二十三年奉裁今分防中營守備一員把總一員兵一百五十名戰船二號營房砲屋共三十五間大鈇砲十位紅

發大砲十四位烟墩三座

南北二砲臺并山頂瞭望

兵三十名

島尾汛并山頂瞭望 在海澄廈門之交兵十三名營房三間

大徑港口汛 兵二十名戰船一號

深塢灣口汛 外委一員兵二十五名戰船一號 漿船一號。俱浯嶼守備管轄

前營海滄汛 距三都十里船隻往來必經之所分防前營千把總一員兵二十名衙署一座營房八間

烟墩三座

橋梁尾汛 在三都海滄之交東臨海船隻往來必經之所兵二十名營房五間

三都汛 距廈門十里許近坂尾寨兵二十名營房三間

排頭門汛 在同安之交南臨海船隻往來必經之所兵十名營房三間

新安汛 在同安之交北臨海兵二十名營房三間

嵩嶼水汛 漳泉二水交匯之處距廈門十里外委一員兵二十名戰船一號

水師金門鎮標防汛

右營鎮海 即明鎮海衛東距浯嶼二十里為漳浦海澄要衝分防右營千把總一員兵一百五十名哨船一隻北風泊于鎮海南風泊于麥坑

鎮海地今屬海澄 以上海澄地

井尾灣汛 在二十三都海與中與將軍嶼相對南風灣泊之所分防右營外委一員兵一百五十名哨船一隻

將軍灣 北風灣泊之所分防外委一員兵五十名哨船一隻屬井尾灣千總兼轄

以上漳浦地

水師銅山營 屬廈門提督統轄

銅山鎮城 即明銅山所三面環海為浦詒海口要衝駐防本營參將一員守備一員兵五百名趕繪

船一隻哨
船二隻

八尺門

在浦詔之交江北為六都江南為五都內港扼要之地分防把總一員兵五十名八槳船一隻距八尺門半潮水陸程四十里東臨大海北風

北山汛

灣泊之所分防把總一員兵一百三十名哨船二隻

懸鐘汛

即明懸鐘所為南灣詔安銅山船隻出入灣泊要衝之地分防千總一員兵一百七十名趕繪船一隻哨船二隻

以上詔安地

陸鰲汛

即明陸鰲所東面大海船隻灣泊之所分防把總一員兵一百七十名哨船二隻

古雷汛

東北俱臨大海北風灣泊之所分防把總一員兵一百三十名哨船二隻

杜海汛

內港船隻灣泊之所分防千總一員兵五十名

以上漳浦地

水師南灣鎮

鎮城

在詔安海門西出半日程西屬詔安地左營所轄東屬廣東饒平地右營所轄駐劄總兵官轄二營

鎮標左營

駐防遊擊一員守備一員千總二員把總一員兵七百五十名哨船九隻

草寮尾汛

西至白沙灣與廣營交界兵四十名哨船一隻

西炮臺

距草寮尾里許與廣營界與炮城相對兵十名。俱城內千把總兼轄

雲灣

即雲蓋寺距城南十五里宋少帝避元兵於此北至赤石灣灣角皆大海與廣營交界北風灣泊往來必經之所分防把總一員兵五十三名哨船一隻

青灣

距城東十里西北至澤灣與廣營交界南風灣泊之所東為竹樓墩墩臺分防把總一員兵四十三名哨船一隻

洋林灣

距城北水程七十里隔江五里為懸鐘汛西至
虎仔嶼與廣營交界出哨至溜牛畔與銅山營
相接為內港好穴出沒之所分防把
總一員兵一百六十名哨船三隻

右營屬廣東不載

水師哨船分布洋面漳屬浯嶼提標中營巡哨與金門
相接鎮海井尾將軍灣金門鎮右營巡哨與銅山相接
銅山營巡哨北至將軍灣與金門相接南至溜牛畔與
南灣相接南灣福營巡哨南與廣營毗連北至溜牛畔
與銅山相接防汛千把總時出遊巡遊擊守備遊巡應
援總兵官為通省總巡

一康熙四十三年添設浦詔兩縣遊巡令銅山營古雷把

總領兵一百名配銅山汛趕繪哨船各一隻每年自三
月初一起駐沙洲杏仔兼顧菜嶼紅嶼井仔鞍吧流四
嶼每日出洋遊巡至十月北風發時各歸本汛銅山營
北山把總領兵一百二十名配北山懸鐘汛哨船各一
隻春駐溜灣角冬歸本汛銅山營陸鰲把總領兵一百
名配陸鰲杜濤哨船各一隻春駐狼牙山冬歸本汛又
番洲嶼兵二十名配八尺門哨船一隻不時遊巡又南
灣鎮標左營遊擊分月輪班領隨防鎮城千總一員兵
一百名配趕繪船二隻遊巡彭嶼等處
一既添設遊巡復設瞭望在漳浦地屬銅山營轄者曰銅

山城內山

今割屬詔安

古雷尖山沙洲山陸鰲虎頭山在詔

安地屬銅山營轄者曰懸鐘果老山北山宮仔前山溜

灣角山蕪尖山銅鉢山在鎮海地屬金門鎮右營轄者

曰象鼻山將軍灣山燈火灣山井尾山白塘山在海澄

地屬提標轄者曰島尾山浯嶼山在南灣者曰南灣金

山頂雲灣山青灣山每處本汛兵三名攜帶炮火逐日

輪流週而復始

按水師重在巡哨顧望風濤憚於出海最為悞事而

風信亦須審前志論曰汛期多在夏秋之間西北風

倏起或日早白暮赤天邊有斷虹散霞如破帆鬣尾

西北黑雲驟生昏在二長明動海水驟變水面多穢

及海蛇浮游於上鰲鮫放洋烏鯨弄波必有颶風將

至須急收安灣兵船在海遇晚須先酌量收泊之處

以防夜半起風追賊亦然至瞭望乃憑高覘賊之往

來以便追捕亦不可廢

歷官

舊設銅山鎮總兵官

康熙十九年設

黃

鎬

康熙十九年任

陳

昌

平和人二十一年任
二十三年改為協鎮

舊設銅山協副將

康熙二十三年改設

詹六奇 漳浦人

曹見章

鄧君弼 康熙二十年任

王三元 康熙二十八年任

舊設銅山鎮標協標遊擊

康熙十九年設鎮二十三年改協

黃瑞 鎮標中營康熙十九年任

廖春 鎮標左營十九年任

陳墀 鎮標右營十九年任

阮欽為 鎮標右營二十一年任後改協右營

曾春 協鎮左營

吳興 協鎮右營

魏虎 二十九任

舊設海澄水師提督

施琅 晉江人康熙二十年任

舊設海澄副將

高滿龍 順治十八年任

王之印 登州人康熙元年任

舊設海澄遊擊

孫鳴鳳 順治十三年任

銅山營遊擊 康熙二十一年額設

曹建龍 山東人三十一年任

張琦 江南人三十六年任

歐陽靖 興化人三十九年任

蘓安世 同安人五十二年任

倪興

鄭耀祖 漳浦人五十八年任

銅山營參將 雍正二年設

鄭耀祖 雍正二年任

魏大猷 臺灣人五年任

漳州府志

卷之三十三

兵紀二

三十三

張天駿 錢塘人 七年任

王振 江南人 七年任

王清 湖州人 九年任

任文龍 浙江人 十年任

高地 同安人 乾隆五年任

施大英 晉江人 六年任

安廷名 二十一年任

陳應鐘 汀州人 二十五年任

溫恭 順德人 二十五年任

徐國英 廣東人 二十六年任

趙一琴 二十七年任

許德 廣東人 二十九年任

龔宣 南通州人 三十年任

林俊 潮陽人 三十二年任

張天助 瓊州人 三十六年任

傅德 合浦人 三十八年任

徐萬選 四十年任

滿丕

銅山營守備 康熙十年設

馬成龍

方冰 康熙十年任

林雄 十九年任

林成 二十年任

黃壽 二十一年任

董贊 二十二年任

余鈞 二十三年任。以上營分無考三十

林都 台州人 四十八年由汀州鎮標調

鄭耀祖 五十四年任

陳宏烈 詔安人 六十年任

汪蔡奕 雍正七年任

林廉 海澄人 乾隆元年任

施鳳徠 晉江人 二年任

葉報 四年任

陳廉 六年任

張宗 漳浦人 八年任

陳洪建 永定人 九年任

林金勇 同安人 十年任

黃瑞 同安人 十三年任

陳榮 同安人 十六年任

蔡連陞 十九年任

李為 晉江人 二十年任

高瑞 同安人 二十一年任

林天 晉江人 二十五年任

蕭英 三十一年任

張芹芥 惠安人 三十三年任

文英 同安人 三十八年任

南灣鎮總兵官 康熙二十四年額設

楊嘉瑞 順天人 康熙二十四年任

周洪昇 龍門武進士 三十七年任

阮欽為 惠安人 四十四年任

林臯 贛州人 四十五年任

黃龍 永春人 四十八年任

周士元 湖廣人 五十六年任

藍廷珍 漳浦人 五十七年任

陳良弼 福州人 六十年任

聶國翰 江西南人 雍正元年任

陳祖訓 龍溪人 五年任

許良彬 海澄人 六年任

張起雲 平陽人 八年任

康陵 漳浦人 十年任

張天駿 浙江人 十二年任

黃錫申 漳州人 乾隆元年任

黃有才 福州人 五年任

李琨 正白旗人 七年任

何勉 福州人 八年任

陳林每 臺灣人 十年任

倪鴻範 泉州人 十五年任

甘國寶 古田人 二十三年任

黃世恒 詔安人 二十四年任

葉相德 歸安人 二十六年任

王巍 漳州人 二十九年任

何思和 侯官人 三十二年任

林國彩 同安人 三十四年任

南灣鎮左營遊擊 左營為福營

蕪廷士

濟寧人康熙二十四年任

王朝俊

同安人二十五年任

李世豪

遼東鐵嶺衛人三十四年任

陳冲漢

上元人四十二年任

莊望雷

南靖武進士四十四年任

魏平

龍溪人四十六年任

李斯援

長山武進士四十九年任

李士麟

海澄人五十一年任

魏天錫

陳文

呂瑞麟

汾陽人

黃世傑

邱有章

胡貴

蔡榮

以上籍貫及到任年分失考俱康熙未雍正間任

王作興

詔安人乾隆元年任

施大英

晉江人四十年任

歐陽敏

漳浦人六年任

余星武

永定人八年任

莊施澤

晉江人十三年任

裴鏡

武陵人十七年任

魏文偉

同安人二十一年任

楊添

同安人二十四年任

楊世忠

莆田人三十三年任

陳國泰

同安人三十五年任

溫靖波

陸豐人三十七年任

金榮

溫州人四十年任

南灣鎮左營守備

胡元道

華亭人康熙二十四年任

連龍黼

惠安人二十九年任

吳貴

南人三十六年任

李豹

陽曲人三十八年任

于文龍

義真武進士三十九年任

杞梁

廣東人四十六年任

王國柱

浙江人五十一年任

呂瑞麟

汾陽人

鄭志遠

項朝選

潘林祚 以上籍貫及到任年分無考

梁國助 同安人乾隆元年任

張勇 惠安人二年任

聶國賢 莆田人七年任

馬國棟 同安人九年任

莊施澤 晉江人十一年任

白漢玉 鎮海人十四年任

歐陽捷 漳浦人十六年任

林士雄 晉江人十九年任

林國彩 同安人二十一年任

戴正春 同安人二十二年任

陳盛貴 莆田人二十四年任

陳隆 同安人二十五五年任

陳士輝 同安人二十九年任

林朝紳 閩縣人三十八年任

廖光宇 永定人四十年任

前志論曰漳兵制昉於唐有巡邏行臺焉將軍陳元光所命將分戍者也柳營中隔帶水為東偏之險要

相傳唐置重兵於斯五代雲擾軍無善政宋制漳有威果廣節保節左翼等軍又有諸寨巡檢土軍刺配北城牢城等軍而宋初福建三軍保節崇節之外有水軍置在漳泉崇節則福興泉漳皆有之趙元昊反募土兵號就糧軍福建為宣毅漳屬一營焉於時赤畿望緊龍溪漳浦龍巖長泰四縣均屬中下而鈐司統轄八州獨置軍府於漳則漳固重鎮矣元制設總管萬戶並握兵柄巡軍弓手各隸巡檢因宋制而增損之末年增置南靖一縣陳君羅良振武勁卒強努聞於四鄰大抵漳之為地山海叢雜上下閩廣數千

里之襟喉故歷代戎兵必飭也明初置衛所以開國靖難後裔為指揮千百戶漳有漳州鎮海二衛所銅山陸鰲懸鐘三守禦所更置銅山浯嶼懸鐘三水寨厥後析漳平平和詔安海澄寧洋設南路參將置土兵浙兵諸營設南澳副總兵置澎湖南海澄各遊又各屬有巡檢弓兵有機兵衛所水寨巡檢司城設險以守其國征操屯旗屯糧各寨沿海等軍猶古者寓兵於農之意制非不善也析縣後參將副總兵弓兵機兵之外置諸營各遊兵因時揀弊非不足壯國勢而捍牧圉也然而沙鄧茂七饒張璉東倭蹂於中葉

劉香芝鄭龍周老李奇訂於末年終明之世漳無寧宇

寇亂較唐宋為尤烈何也衛所世襲漸於文柔緩帶修容惡談兵革參將副總役占隱冒猝然有警觀望逗遛節使臨戎守令禦寇武夫健將拱聽指揮推筆則經濟盈編事至則一籌莫展中間如顧斌張元勳周賢宣施邦曜蕭廷宜龔有成余應桂其人蓋亦鮮矣失一軍與失機同罪則衛所之兵可無用也減其數并減其宜則弓兵機兵不可問也在陸者借口於鑄城在水者駕言於汎海彼此秦越不相為揀則諸營各遊之兵俱緩急無濟也官艦也賊目之為草棚

則戰船不堅官鎧也民謠以爲破被則器械不利蓋至啓正而洪武永樂行陣備禦之法蕩然無遺加以政繁賦重豪右縱橫根本既搖而又無所培植基址既壞而又無所撐持此漳寇之所以旋塞而旋潰愈撲而愈熾也

國家創制顯庸一矯明室之弊宿八旗重兵於京師設提鎮協管綠旗官兵於各省以提督總兵官統轄全省以各鎮總兵官統轄各協營而各協副將亦自轄其所屬之營營有參將有遊擊有都司有守備有千總把總凡一遊或一參將一都司一守二千四把約

馬步戰守千人而合爲一營以福建爲東南要地水陸官兵倍於他省以漳州爲沿海要地倍於他州兵制之善從古未有防至密矣然而鄭氏以區區餘孽收明季之餘燼鼓其鱗鬣出沒風濤殘我士卒刈我人民墜我城郭宮室甲午乙未之際漳糜爛焉三島旣蒐沿海稍息然猶盤踞臺灣苟延殘喘船不滿百兵不滿萬逆藩之變則又乘勢揚帆據我廈門入我海澄納我叛將圍破我漳城耿逆悔禍大兵入漳賊勢如強弩之末宜不能穿編而劉國軒振殘傷之餘猶復絕我援兵困斃我海澄焚斷我江東鴈齒於是

天子震怒尅期覆巢猛將謀臣竭誠致力溪西一戰國軒喪魄

總督姚啓聖大開修來啓聖開修來館於漳多縱反間賊降者無虛日自是人心

離以定平海之局將軍施琅鏖兵澎湖以收平海之

功雖八淖泉湧八淖與中無淡水只有小井可供一二百人是時官兵三萬餘取之不竭

癸巳風迴將戰天色驟變風從西北起忽巨雷一聲雲收霧散東南風大作我軍遂揚帆大進

實唯

乎之聖德神威所感名而人力要不可誣也先是海氛弗靖

陸以漳州為中路以漳浦海澄為左右路設三鎮總

兵官水則海澄銅山迭置遊擊副將提督總兵官營

制隨時更易兵額增減俱未有定自臺灣設郡海外

一家駐防官兵劃然歸一移漳浦陸路總兵官於漳

州分鎮標中左右三營官兵駐防南靖龍巖平和寧

洋四縣分城守營官兵駐防龍溪各汛長泰漳平二

縣而所轄漳浦海澄詔安雲霄又各為一營分守其

地若同安營則泉屬而兼轄於漳者也水師則駐提

督於廈門移廈門鎮於南灣以左營為福營若右營

則隸廣東而並轄於南灣者也裁銅山鎮協定為一

營若龍溪海澄鎮海各水師則廈門提標金門鎮標

之分防於漳者也此漳屬兵制之大略也方今承平

既久玩愒易滋正當講求兵事條晰利弊杜漸防微

請姑言其概夫據險要管將卒此水與陸之所同也
顧險要有一定不可易者有忽重在此忽重在彼者
如海寇窺漳東必先於海澄南必先於南灣銅山海
澄南灣銅山固寇之在水者不足慮矣山寇窺漳西
必先於平和南必先於雲霄北必先於漳平平和雲
霄漳平固寇之在山者不足慮矣此一定不可易者
也若江東之險元將張石古違羅良節度漳遂以破
而明施邦曜築關於萬松據內險而增其保障也鎮
門二山橫亘一水中流明陳天定施邦曜築城以爲
內固順治間移城於三义河石碼置北港防汛於玉
洲據外險而收其至勢也浯嶼外控大小担嶼之險
內絕海門月港之奸嘉靖初遷入廈門前人以爲自
失其險然彈丸黑子屯聚無多今駐水師提督於廈
門以障全閩之海口人民商賈番船輳集等諸郡縣
而別駐千總於浯嶼蓋據內外險而兼收其形勢也
漳平寧洋外界沙尤永安大田連城安溪之交崖谷
相連或數十百里僅以二千總駐防兵單而汎廣邇
年狐鼠乘閒伺其隙陳首魁豎奪食之旗陳五顯勾
馬岐之黨何者彼無所彈制而竊發也所謂重在此
而忽在彼者也自四十三年添設沿海遊巡瞭望數

年間各縣陸路亦添設防兵批卻導窾各得其當而陸鰲偏近漳浦爲縣之外障東臨大海前明於守禦千戶所之外另設土兵一營議者謂宜撥陸營守備彈壓其地與水師互爲聲援分水關接界廣東山谷荆棘設漳潮司巡檢以防奸今巡檢僑寓郡城與地方無裨議者謂宜經理故城令歸本任與炮臺把總協力察奸圭嶼砥柱海口郡城海澄門戶萬歷間同知羅拱辰建議移海門濠門巡檢駐其中議者謂宜更復其城量撥防兵與海門三都水汛遠近聯絡三者當此太平無事似不足重輕然皆水陸險要則有備無患未爲無見也漳土風剛勁負山者絕踰懸崖如履平地傍海者迴風巨浪若涉安流

本朝定鼎至今由軍功膺節鉞者二十有六人副將參遊以下難更僕數武健相尚習俗固然文柔者十之三四耳而水陸之兵庸有未精何歟自臺灣底定漳屬宴安三十年矣當時投石超距之衆半凋零物故今之新充保無有市井無藉竄名於籍者乎一旦有急控騎則膽落登舟則魂搖其何能戰乎則頂補投充之宜慎也明蔡陂之戰賊倉卒蠶起戚繼光立斬退縮者三人遂以破敵浮宮之戰劉香樓檣巍若雉堞

驍卒林行先登斬其魁袁德繼之賊遂大潰

本朝古縣之戰固山金礪乘烟衝突溪西之戰總督姚啓聖父子合滿漢兵逆力澎湖之戰藍理曾成等以七船衝鋒先入諸軍不繼幾致失陷既乃申明軍法將軍施琅與六鎮總兵駕艦當先以數船攻燒一船死傷狼藉各船無敢後者此皆漳之已事當其時大將自擇其偏裨偏裨自擇其目卒挑選既精訓練有素故勇怯皆應所向以克簡將卒之明效大驗也夫挑選當擇其所始邇有選項補於餘丁法爲差善要於人無巨細必少壯而強幹騎則先試之以馬步則先

試之以趨水則先試之以洋面之風浪責千把總教其技勇坐作分合進退日習而月課之則又責王將每年霜降及暇日數舉大操親第其技勇之高下定馬步戰兵之差等以示其賞罰拔其尤者爲材官百隊水軍法亦如之若此而不自爲摩厲者未之有也漳屬牌刀名於天下當兩軍戰合彼此相持忽而木馬橫開戰陣散亂直搗中堅炮火弓矢萃而殲敵則藤牌挑刀之爲也夫善用兵者當用其所長旣以此制勝則習是器者必精是法使陷陣摧堅十可當百若排鎗之進步流水各營演之熟矣要當與騎射步

射懸的而定其優劣若戰艦則以火爲主以風爲輔
大小銃砲諸器之外火箭火礮火桶西瓜砲噴筒皆
各選其人而肄習之此選卒練兵之宜亟講也陸戰
所恃在馬水戰所恃在船漳屬陸路多山無西北數
百里之平原曠野是以鎮標馬二而步八各營馬一
而步九因乎地而制宜也然一馬歲糜庫帑十餘金
則一馬必期得一馬之用西北之馬壯大安重而多
力故稱上焉東南小而脆亦所產無幾唯東川烏蒙
滇南水西羅鬼囉囉之畜實有良駿上下山澗便捷
驍騰土人寶之無自而至閩中若廣產則下焉者也

今各營之馬閒雜以廣之東西以任重則無力以致
遠則不能以禦敵則聞砲而驚躍此所當亟爲更易
者也戰船舊制各省不一其在前明福建有福船哨
船冬船鳥船快船衝犁外洋福船爲最戰攻哨操以
次各有所宜

國朝改鳥船制加長大次爲趕繒爲雙篷艍哨船整利輕
矯皆過前人是以前出入左右趨避莫不唯意澎湖八
罩犁沈賊艘實藉輔車之力焉海波旣恬當事者以
各港水淺海船急難搖動且修理估計不貲節浮費
而資實用盡改鳥船爲大趕繒銅山共趕繒哨船一

十有六俱屬於漳南灣三十屬福營者十有五廈門
提標七十分防浯嶼容川碼玉洲三义河者四金門
三十有三分防鎮海井尾將軍灣者六內港外洋遊
巡各便而小修大修 部價不敷貼以通省文職之
俸工益以督修各官之賠墊移咨往返動費經年夫
船不堅整何以巡防修不及期何由堅整則邇日滿
中丞保照限先事修理之議洵爲盡善然承修半須
捐賠恐未可行於通久也各省官兵自陝西而外莫
多於福建合水陸馬步戰守計六萬三千一百四十
有奇而漳屬一州自額設以及提標金門水師貼防

計一萬六百二十有奇不爲不多矣乃山海之盜未
能盡絕者其故有在漳屬游手賭蕩學習拳棒久多
爲竊王者追捕公然刺其刃於腹耳杖枷三木視同
兒戲他日穴於山而嘯於海者皆若輩也定爲三犯
必死之條雖不畏刑猶知畏死乎漳屬自龍溪漳浦
海澄以外各縣多有深山邃谷人跡不到之處宵小
倚以爲奸出剿則奔竄無踪歸汛則行劫如故勢窮
就撫釋弗就誅寧復有所顧忌耶得其巨魁置之重
典則賊不得以招撫爲嘗試矣而海賊每多於陸者
何也陸路官兵碁布山雖險踪跡易尋賊艘星散外

洋覘舟師之分合以爲動靜南風行劫北風散歸爲民爲盜變化於俄頃所以屢勤剿撫而游魂未斷也邇者臺臣陳汝成籌海二疏窮源竟委審風位之南北踪賊艘之往來以保甲灣甲責成縣令而保甲終於難清則以首報到官賊未必死一日漏網先受其殃故畏而不敢也洋面之船混而難別然商船重而沈漁船腥而濕賊船輕而浮此不易之理也漁船有網有釣有魚商船有船主有副與賊行徑自異賊船行劫其貨麗雜裝載亦異商船期於速至乘風直行賊船左右游移覘伺剽劫駕駛亦異此又當識別於審

風扼要之外者也賊見重船而尾追見輕船而遠避乃官兵遙望賊艘或揚旗放砲若故使聞而知避者賊何由得四十九年定海總兵官吳君伏兵商船以誘賊生擒七十餘人獲其二艘今若使遊巡官兵不時扮入商船誘之行劫俟其既近出其不意奮力追擊賊必成擒行之數四彼雖見商船疑爲戰艦矣亦多方以誤之之一法也

按前志就康熙甲午以前事勢大槩樹論今海疆寧宴水陸軍制斟酌盡善防益密更無遺議仍載其論不刪去者鑒往察來史書成例又故大中丞滿保

序前志嘉歎兵紀一編於防汛城堡塘遍瞭望巡哨
處所纖悉畢具憑冊而考較若列眉目下增輯雖不
無異同而險要扼塞皆仍舊貫因併載其議論俾覽
者知當日載筆用心之不苟焉

漳州府志卷之三三終

漳州府志卷之二十四

宦績一

乾隆志卷三十二

唐至元

有秩官斯有宦績宦績者秩官之遺愛也有循吏之績
焉文翁之化蜀黃霸之治潁川是也有廉吏之績焉劉
寵受父老一錢孟嘗還合浦之珠是也有一時之績焉
龔遂之治盜趙抃之救菑是也有百世之績焉白公之
渠僕射之陂是也甘棠且愛之況其人乎作宦績傳

○唐

嶺南行軍總管

漳州府志

卷之二十四

宦績一

陳政

陳政字一民光州固始人父克耕從唐太宗攻克臨汾等郡政以良家子從征功拜玉鈐衛翊府左郎將歸德將軍高宗總章二年泉潮間蠻獠嘯亂民苦之僉乞鎮帥有威望者以靖邊方朝廷以政剛果敢為而謀猷克慎進朝議大夫統嶺南行軍總管事鎮綏安偏裨自許天正以下一百二十三員俱稟號令詔曰莫辭病病則朕醫莫辭死死則朕埋比至鎮百凡草創備極勞瘁羣蠻來侵自以眾寡不敵退保九龍山奏請益兵朝命以政兄敏暨兄敷領軍校五十八姓來援敏敷道卒母魏氏多智代領其眾入閩乃進師屯禦梁山之雲霄鎮邊徼寧弭因作宅於火田村居焉嘗渡雲霄指江水謂父老曰此水如上黨之清漳以漳名郡本諸此鳳儀二年四月卒子元光

刺史

陳元光 韓 泰 柳少安 張 登

陳元光字廷炬生而敏異長博通經史尤耽黃石公素書及太公韜畧自著兵法射法服習之年十三領鄉薦第一總章二年隨父領兵入閩父卒代領其眾會廣寇陳謙連結洞蠻苗自成雷萬興等進攻潮陽陷之守帥不

漳州府志 卷之三十
能制元光以輕騎討平之永隆二年盜起攻南海邊邑
循州司馬高琬受命專征檄元光潛師入潮沿山倍道
襲寇壘俘獲以萬計嶺表悉平還軍於漳事聞進正議
大夫嶺南行軍總管嗣聖三年上疏言周官七閩宜增
爲八請建一州泉潮間以控嶺表委刺史領其事朝議
以遐僻之地萬一遣官不諳土俗民反受其殃元光父
子久牧茲土蠻民畏懷卽令其兼轄尤便詔從之給告
身俾建郡邑於綏安地進中郎將右鷹揚衛率府懷化
大將軍仍世守刺史自別駕以下得自辟置元光復疏
薦部曲子弟馬仁等有幹畧請受爲司馬等職詔從之

乃率衆闢地置屯招徠流亡營農積粟通商惠工奏立
行臺于四境時巡邏焉由是北距泉興南踰潮惠西抵
汀瀆東接諸島嶼方數千里無烽火之驚號稱樂土先
是葬父于雲霄之山術者賀其地有王氣元光曰是何
言亟移厝之大溪峰後復葬祖父母于半徑山守制三
年帥事一付別駕許天正已而蠻寇雷萬興苗自成之
子糾黨復起于潮猝抵岳山元光聞報遽率輕騎禦之
援兵後至爲賊將藍奉高刃傷而卒時景雲二年十一
月也百姓哀號相與制服哭之權葬于綏安溪之大峙
原事聞詔贈豹韜衛鎮軍大將軍開元四年徙州李灣

川詔立廟賜樂器祭器建盛德世祀之坊以表之貞元
 二年復徙州治龍溪勅有司改葬於州北九龍里松洲
 保之高坡山春秋饗祀明初封昭烈侯子珣孫謨詠詳
 見人物列傳前志云按浦志公叔子珣聞于朝詔贈品秩并賜諡云以身殉國之謂忠戰勝攻取
之謂毅引薦善類之謂文也普播仁恩之謂惠也
豹韜鎮軍大將軍兼光祿大夫中書左丞臨漳侯諡忠
毅文惠癸酉志載贈諡亦同按唐志太常諡法駁議頗
嚴宰臣之諡若杜如晦封德彝陳叔達溫彥博等諡皆
一字吏部尚書呂誣卒有議贈諡忠肅者獨孤及力駁
其非載在通典四字為諡未之前聞豈宋以後追諡之
耶鎮軍大將軍武階二品光祿大夫文階二品兼秩為
贈或出特典而唐官制有尚書左丞申書無丞前志據
家譜書之
今並闕疑

前志論曰總章以前漳地未闢建堡設屯實首陳歸德

將軍遂扼閩粵之吭開千百世衣冠文物元光繼之始
 置方州式廓疆土澤流海邦書策所載邈焉寡儔後人
 以州置自元光忘厥初基祀元光而弗及其父政與沂
 流忘源何以異故因浦志所編首宦績于政秩官刺史
 則仍舊志首元光俾後之人知所自始焉
 又曰淳祐志稱陳元光父子奉命討賊掃除克醜又為
 之立郡縣置社稷捐軀殞命而後已唐史闕而不載使
 豐功鉅烈無傳有遺憾焉然而累代之褒崇廟食百世
 河山不改惠烈無窮奚必乞靈劉昫子京諸人而後有
 光哉

韓泰字安平初爲戶部郎中以附王叔文貶虔州司馬歷
漳州刺史穆宗長慶元年韓愈刺袁州舉泰自代狀云
泰自領漳州悉心爲治官吏懲懼不敢爲非百姓安寧
並得其所臣在潮州之日與其州界相接臣之政事遠
所不如乞以代臣庶爲允當謹錄奏聞其疆爲善以蓋
前愆概可見矣

柳少安建中三年以秋官員外郎刺州事先是州將陳鄩
卒子謨初政不協輿情詔以少安爲刺史謨改中郎將
檢校本州別駕少安精于天文地理嘗按部至龍溪顧
謂謨曰此縣可建州治大江南旋而東注諸峰北環而

回顧且本州屬地也興元元年具疏請于朝未允貞元
二年少安以天官郎中徵赴司勳部事謨白于觀察使
盧碁卒成其志今所移府治是也精鑿特識開一郡文
明風氣自少安始焉

張登性剛潔介特始以巾褐就辟歷衛佐廷尉平鑿察御
史貞元中改河南府士曹椽遷殿中侍御史漳州刺史
居七年坐公累受劾吏議侵誣感疾卒權德輿序其文
甚詳以公幹景陽比之國史亦稱登長于小賦氣宏而
密閒不容髮有織成隱起結綵蹙金之狀其舊集詩賦

雜文合一百十二篇

見文獻通考三
百二十三卷

舊志論曰唐自建州縣以來前政君子皆不脩郡志前此所傳刺史陳鷹揚一人耳若韓安平見推昌黎柳少安建議移郡載在集乘豈其無徵今並改為專傳張登刺郡七載名幾湮沒檢文獻通考得之起家名御史以文學詞賦為時稱重其官政可知要以世代綿邈紀乘殘闕有所撫指如吉光片羽無不可珍習掌故者其毋以闕文為解哉

參軍

許天正 丁 儒 盧如金

許天正汝南人總章己巳奉勅副陳政出鎮泉潮政授子

元光襲左郎將凡所申請必與許天正討論而後行元光居祖母喪以天正代領泉潮事平惠虔撫之寇置堡三十六所教誨捍禦變椎髻而復倫序嶺海輯寧表陞中奉大夫兼嶺南行軍團練副使天正博學能文軍政之暇未嘗釋卷軍中語曰別駕秀輟文不加點點須成典眎我邦憲元光平潮陽寇題詩曰參軍許天正是用紀邦勛歷官泉潮團練副使宣威將軍兼翊府記室卒葬香洲之欄馬頭宋時追封昭應侯

海澄 諸處

丁儒字學道先濟陽人徙光州固始總章二年將軍陳政

奉詔鎮閩儒通經術喜嘯咏練達世務政與語慕焉引
為軍諮祭酒凡所措置悉與籌畫承詔佐郡任承事郎
先是泉潮之間獠蠻出沒無常戍卒阻九龍江之險插
柳為營江當溪海交流兩山夾峙波濤激涌與賊相持
至是儒與政謀遣人沿溪而北就上流緩處結筏從間
道襲擊走之遂移屯江之西為進取計且戰且撫追殲
寇于盤陀下盡殲之闢土開疆儒有力焉政歿子元光
代儒復贊之詔元光以玉鈐衛左郎將為漳州刺史儒
以承事郎叅理州事勸課農氓通工惠商財用以阜蓋
自平寇開郡二十餘載儒屢謝事歸閑而其奉檄起任

事者不一後以巡行部落染瘴卒于外漳人思之有頌

陳將軍父子功者輒頌及丁承事嘗自作詩云村黎愛

慕臣誌實也

採丁氏家譜

盧如金河南光州固始人總章二年從陳政戍閩授府兵
校尉兼領本州司戶叅軍始與建屯營于雲霄脩竹里
與政子元光開拓山林置州漳水之北元光戰歿金率
義兵討之群盜悉潰漳以保全卒葬于連玳山宋紹興
二年追封輔國將軍

今其子孫散處龍溪之墨塲及長泰等處

懷恩縣尉

鍾紹京

鍾紹京贛人開元初以善書直鳳閣討韋氏有功夜拜中書侍郎叅知政事明日進中書令越國公後與劉幽求俱以怨望得罪再貶懷恩尉嘗賦詩中峯巖增梁山十二峯爲三十六開元十五年復其官至太子詹事紹京嗜書畫如王褚真迹藏家至數十百卷壽八十而卒前志論曰舊志從唐侯五十八姓惟許氏盧氏丁氏家有譜牒採以立傳其餘姓名出自陳譜建邦啟土咸有功力故與其過而泯之也寧過而存之因悉載其名於武職歷官之首以備考

○宋

知州事

朱 熹	方慎從	綦崇禮	廖 剛	胡 銓
李彌遜	劉才邵	鄧邦寧	林孝澤	趙公綢
黃啟宗	趙伯暹	傅伯成	陳 樸	俞亨宗
趙汝諧	莊 夏	危 稹	趙以夫	李 韶
章大任				

萬歷癸酉志以朱熹一代大儒故冠于首趙公綢等四人爲宋宗室故次之餘俱以年叙癸丑志晦翁仍舊趙公綢等改人叙今仍之

朱熹字仲晦其先婺源人徙建陽遂為建陽人公父吏部郎松稱章

齋先生為松溪縣尉生公于寓舍後以方臘亂不果歸遂家建陽紹興十八年登進士

第淳熙十六年以直寶文閣學士院除江東運判再辭

改知漳州至任以節民力易風俗為首務先奏除屬縣

無名之賦七百萬減經總制錢四百萬以漳俗未知禮

教首述古今禮律開諭之又採古喪葬嫁娶之儀揭示

父老令解說訓其子弟時即學舍誨誘諸生一如守南

康時公先守南康每五日一詣學為諸生講說郡有賢德者禮以為學官至漳亦然每旬一日必領官

屬下州學視諸生講小學為正其義六日下縣學亦如之又創受成齋教養武生新射圃時督之射又擇

士有行義知廉耻者列學職為諸生倡牒延郡士黃樵仲施允壽石洪

慶李唐容林易簡陳淳楊士訓及永嘉徐寓八人入學表率知學錄趙師處之為人

首薦之以郡人高登直言忤秦檜貶死容州奏乞褒錄

為立祠學宮以文祭焉漳舊號佛國男女聚僧廬為傳

經會女不嫁者私創庵舍以居始嚴禁之俗為大變嘗

病古經界法不行為民害日滋乃訪事宜擇委任悉究

大董諸法條奏以上因言必可行之說三將必至于不

能行之說一蓋謂法行息爭止訟大為民利而占田隱

稅侵漁貧弱者所不便乃具宣德意榜之通衢邦民欣

躍鼓舞而寓公豪右果為異議以沮之遂以地震及足

疾不赴錫宴自劾其冬有旨先行漳州經界會南方春

事不及行明年以嗣子喪遂再請奉祠公在漳首尾僅
 及一期未至之始吏民間風竦然望若神明及下車蒞
 政一以道德正大行之人心肅然以定官曹厲節志而
 不敢縱所欲宦族循法度而不敢干以私胥徒易慮而
 不敢行姦豪猾斂蹤而不敢冒法郡中訟牒無情者畏
 憚而不敢復出平時習浮屠為傳經禮塔朝嶽之會者
 一禁而盡息良家子女入於空門者悉閉精廬歸復人
 道奸民多鼠竊自公至未嘗有峻懲者而皆望風屏迹
 民無夜警外戶不閉正月維新布孝悌之訓與民更始
 凡訟庭所斷必以人倫為重暮年民安習其化而公已

行矣又嘗病本州鬻鹽深為民害先罷其瀕海之舖十
 有一欲俟經界既定然後闔郡而悉除之而志不克遂
 然所議罷者累政奉承不敢變至今民被其惠也他如
 罷上元放燈以除慝禮立風雨雷師壇以正常祀省燕
 約饋寬賦簡役勸農厲兵善政未可悉記自官曹以下
出北溪陳淳
叙自淳熙至今五百餘載漳民婚娶喪葬率遵家禮郡
邑所在春秋祠祀致恪焉輯宋史本傳
及北溪敘述
 舊志論曰徽國文公守吾郡述公行事莫詳于陳安卿
 氏名儒篤論不至阿其所好且又見而知之者也臨漳
 區區瀕海一州公之德教甫及朞月而績效光明俊偉

如此矣使得盡推行其說假以再歲漳之爲漳又寧止
此大抵道之大行其運有待雖聖賢不能違時是以素
王攝魯僅閱三月微國立朝纔四十日而漳民獨蒙大
儒周歲之澤其微惠于造物山川固已侈矣遵用遺教
越數百年若金科玉條嗚呼過化存神之妙豈虛語也
哉

方慎從字惟之莆田人登進士甲科景祐二年以太常博
士知漳州越十五年是爲皇祐初元又以屯田郎中再
知漳州慎從初在漳有惠政及再來人夾道歡呼曰吾
父復來矣其兄慎言時守泉州旋麾相望二州人榮之

慎從子諫臣從父官于漳合水有蛟爲孽諫臣入水斷
蛟而死漳人憐而祠之從以事聞封清水侯見興化府
志

綦崇禮字叔度高密人後徙維之北海建炎四年以徽猷
閣直學士通直郎知州事屬有巨寇起建州聲撼鄉境
崇禮牧民御衆一如常日盜息環城內外安堵如故徙
和明州召爲吏部侍郎

廖剛字用中順昌人少從陳瓘楊時學登崇寧五年進士
宣和初自漳州司錄除國子錄擢監察御史時蔡京當
國剛論奏無所避出知興化軍紹興六年以徽猷閣直
學士知漳州漳州多靡婚葬踰制剛首立條約諭之七

年日食詔內外官言事剛言陛下有建國之封而未遂
正名是應天之誠未至也宜昭告藝祖正建國儲君之
號布告中外不匿厥旨上讀之聳然即召公趨至闕拜
御史中丞

胡銓字彞廬陵人紹興間知漳州初爲兵部侍郎時宰
相湯思退以張浚和戰異議浚罷政未幾金人犯淮銓
上章數秦檜孫近等力主和議之罪由是遣銓措置海
道尋改知泉州

李彌遜字似之連江人居吳縣紹興中試戶侍郎言金不
可和疏切直與秦檜忤遂乞外九年以徽猷閣直學士
朝請大夫知端州改知漳州州學建自慶歷間當巽隅
水自丁入後移易方位科第不興彌遜盡復慶歷舊址
建大成殿塑先聖及配享位規制甚備學成壬戌登科
者五人頗定肅公與焉諸生相與建崇學祠生祀之十
年歸隱連江之西山史稱其憂國無怨懟紹熙中朱文
公守漳嘗以文謁其祠曰惟此廟學實公所遷人到于
今追頌勞烈矧惟忠慮抑有前聞蓋尚其品也孫韶復
知漳州

劉才邵字美中廬陵人宣和間中宏詞科累遷中書舍人
兼權直學士院帝稱其能文時宰忌之紹興十六年出

知漳州郎城東開渠十有四為牖與斗門以潴滙決漑田數千畝民甚德之又建郡治道院兩奉祠二十五年召拜工部侍郎

鄧拜寧字康國邵武人政和五年進士守漳州有聲見邵武府志

人物志

林孝澤莆田人隆興二年以左朝請郎知漳州初提舉廣東市舶有番嫗為子求官以珍異賂權貴孝澤言不可權貴人欲遂所私意改知漳州既至值邊戍還家索添支錢課堂下孝澤曰若輩勢太守欲反耶太守可殺添支不可彊取令回營置為首者一二於法餘皆帖服孝

澤居官清介物無所取雖官燭不以私用人信其廉乾

道二年除廣東提刑

趙公綱宋宗室也系出魏王德雍之後淳熙三年由承議郎知漳州革弊安民初鹽出官賜戶均口率不勝苛擾公綱去官鹽法使民得自貿易公私便之初海濱為盜設戍及盜既平而戍不已公綱罷之民以牛酒相賀曰今日乃見太平官府先是郡遣卒督下邑歲供多恃郡侵牟民甚病之公綱乃命郵木匣以往供徭稱便象害民稼民設機穿斃象官府責輸其牙害尤甚適有獻象牙者公綱還之且命自後斃象聽自有其牙於是人爭

斃象而稼得無害廣州學櫺星門修儀門甫成有槐三莖生于堊莖各七葉蓋其祥也又念郡志未脩乃命郡文學李綸訪求諸賢得莆田翁亢三山許榭相與纂脩且告綸曰惟山水城郭宮室風物人材宜書政事不必書其謙退不伐如此

周瑛曰郡志一事自唐垂拱丙戌創州至宋淳熙戊戌歷四百九十三年公綱乃能創始而為郡志使一郡山川城郭土田財賦守令得失人物賢否悉皆登載以傳諸後使後人有所考據而祖述之此豈建功於一時而已也其惠遠矣

黃啟宗淳熙十一年以朝請郎知漳州詔勞之曰啟宗清廉律已撫字有勞除秘閣脩撰再任續除廣南東路提舉

趙伯暘字致遠宋宗室燕王德昭之後家于晉江乾道中進士第慶元元年以朝請大夫知漳州蠲鬻鹽宿負以其羨錢造浮梁民便之

傅伯成字景初晉江人隆興元年進士慶元初由將作監進大府寺丞嘗言呂祖儉不當以上書貶朱熹大儒不可以偽學目之又言朋黨之弊起于人主好惡之偏坐是不合慶元三年以朝散大夫知漳州以律已愛民為

本推文公遺意而遵行之創惠民藥局濟民病以革襪鬼之俗自郡而南造橋三十五所治道千二百丈嘗戒富民閉糴有林仁壽者訴其兄有藏糶可令出穀二百石伯成判曰官司寧可無穀二百石兄弟告許之風不可長也兩爲部使者遷工部侍郎伯成純實無妄表裏洞達每稱人善不啻已出語及奸人誤國則辭色俱厲嘗慕古人尸諫疏草畢亟命繕寫朝服而逝

陳樸字端行知柔猶子也慶元五年以朝請大夫出知漳州摶浮費五萬代納民丁錢萬七千餘貫官至廣東安撫使

俞亨宗不知何許人嘉泰三年以朝請郎知漳州罷粥鹽免場河渡等緡錢又以新招廂禁卒增添廩給代民納門丁輸及禁四邑科罰追治其已甚者吏知畏戢嘗言一州一縣常賦自足一州一縣支遣凡前此苛取于民者徒以資不切浮費而已郡計豐約實不在此因以所罷鹽舖及除出撲佃之由詳述本末曰訪求民瘼碑記以告來者

趙汝諧嘉定四年知漳州闕學門廣齋舍造南石橋建城東門奏蠲經總制無名錢五之二六年夏屬司理叅軍方杰重脩嘉定志本唐宋之圖經參淳熙之舊志旁撫

公牘遠採碑碣或文籍所載或故老親傳及耳目所聞

見者皆攷其實而銓次之凡三閱月而志成除湖北提

舉以去正德志云按字書無譙字疑即趙汝讜乃字之

以祖恩補承務郎薦監行在石藏西庫兄弟昌言韓侂

胄不當逐趙汝讜侂侂胄斥之坐廢十餘年嘉定元年登

進士第遷匠作監簿大理司農丞與史彌遠不合補外

改本傳不言汝讜知漳州而推官黃桂為郡志序稱黃

堂寺丞趙公所謂寺丞者非大理司農丞耶淳祐志言

嘉定四年汝讜知是州去本傳登第之年僅四載蓋汝

讜應薦在先第在後故不久而秉州麾傳不言知漳州

者或史家遺落也今作傳其事皆實書而姓名是否姑

傳疑云。又危稹傳云郡有經總制錢前守趙

汝讜奏蠲五之二傳文互見其為汝讜無疑

莊夏字子禮泉州人淳熙間進士嘉定六年以朝請郎直

秘閣知漳州始建通濟橋及奏罷高荒俵寄產錢民納

苗米聽令自槩量漳民德之遷宗正少卿

危稹字逢吉臨川人初名科及登第孝宗為更命名嘉定

十六年以朝散大夫知漳州漳俗視不葬親為常往往

棲寄僧刹稹命營高燥地為義塚三責之葬其無主名

若有主名而力弗給者官為葬之凡二千三百有奇刻

石以識郡有臨漳臺據溪山最勝處作龍江書院其上

既成橫經自講人用歆動邑令有賄聞者劾去之籍其

財以還民郡有經總制無名錢歲五千緡厲民為甚前

守趙汝讜奏蠲五之二至是疏于朝悉罷之會常平使

有言稹不與辯自投劾去久之提舉崇禧觀與鄉里耆

艾七八爲真率會其卒也真德秀銘其墓

趙以夫字用文長樂人宗室魏王德鈞之後端平元年以朝請郎知漳州始下車鄰寇猝至諸道之兵咸會調度繁夥以夫應之裕如已而生擒渠魁檻車以獻時賞勞吏士費以千萬民不加斂漳民苦丁錢以夫奏以廢寺租代民輸真德秀深嘉歎之上其事于朝謂漳州此舉可爲分符守土者法詔從之罷粥鹽議行募役法却報恩塔會凡所施行各有至理

李韶字元善彌遜曾孫也嘉熙元年疏乞還魏了翁及劾內侍女冠不聽因乞外以集英殿脩撰知漳州捐俸置學田創虎渡石橋泊以廉平稱民號爲李生佛時朝廷遣使諸路稱提官楮韶又上疏極言其弊四年遷禮部侍郎辭不允詔趣赴闕先是彌遜以戶部侍郎知漳至是韶亦以禮部侍郎赴召漳人誦之曰方千里內一太守二百年間兩侍郎

章大任金華人淳祐八年以朝散郎知漳州興利除害疏導學校貢院水溝壅塞浚官渠脩四門城重建南樓正籌漏除山寇懲鼠竊均鹽船助募役田增置備安庫重新公使庫置威惠廟又從教授趙崇珪之請纂脩郡志民生祠之

舊志論曰漳名郡守至宋而盛前乎紫陽若廖剛從
遊龜山胡銓李彌遜抗言和議皆名賢也嗣紫陽後
傅伯成諸君子踵芳紹美斌斌已當時病民莫甚于
經總制錢更數賢陳奏乃悉罷之信知同心爲民雖
積弊膠固未有不可剷除者趙公綱等四人均以宗
英爲時名牧詩稱宗子維城何以加焉

通判

柯述 黃琮

柯述熙寧九年以屯田員外郎通判漳州救饑得民有數
鵲棲其廳事逮去鵲亦送之漳人異焉着山蘓軾爲賦

異鵲詩 詩見古蹟注

黃琮宣和六年以承議郎通判漳州時鄉人方翼爲守琮
與之可否相濟卒成美政會金人南下命琮統督建劍
士兵以備攻守尋更鹽法

判官

蔡襄

蔡襄字君謨仙遊人天聖八年進士筮仕漳州軍事判官
精吏事談笑剖決破奸發隱吏不能欺而鎮以簡靜公
餘吟詠最多及爲福建轉運使奏免興泉漳三州軍丁
口賦之半及自大義渡至漳城道旁植松七百里民作

歌頌之朱文公刺州日常以文謁其祠云惟公忠信著自中朝茲仕之初嘗屈茲郡歲時雖久稱思未忘厥有遺祠英靈如在喜雖不敏實仰高風泣事之初敬脩禮謁

推官

彭汝礪

彭汝礪字器資番陽人治平二年舉進士第一歷漳州軍事推官有能名王安石見其所著詩義薦補國子直講

參軍

趙師慮 趙善綽 趙偁夫 蔡次傳

趙師慮宗室子秦王德芳之後為漳州錄事參軍履行深醇持心明恕文公刺州日熟聞其為人及試之政事皆

得其實首薦之州人心服

通志人物併載今止載于名宦

趙善綽宗室商王元汾之後漳州通判不敵之子也慶元

丙辰任漳州司理參軍嘗有屬邑離商為群殺人內二

囚曰陳十三同姓名異首從吏受賄故出入之獄成下

左院善綽引囚訊問反其獄力爭于郡不聽投印去守

改容謝之曰得白在郡三年無私交惟與北溪陳淳遊

秩滿北溪序以送之

趙偁夫宗室魏王德隆之後乙丑進士嘉定間任漳州司

法參軍有惠政捐俸營廳署清源劉元剛為記稱其知

識才力明決敏給俾得盡見于事功當不止此

蔡次傳寶慶初任漳州司戶參軍雅為危守積所器延之
僉幕嘗餉以私錢不受以建公廳

工曹

陳可大

陳可大字齊賢仙遊人政和中登科調漳州工曹兼右推
時龍巖上死罪強盜七人力辯其非辜得不死改知長
樂縣大脩陂塘縣人立碑紀其德政後知肇慶府官終
朝請大夫

舊志論曰宋郡倅率用京朝官進士下及參曹亦多
慎選故其人間可稱述蔡君謨一代名賢起家軍享

判官實在吾郡舊有祠在廳事文公所嘗脩謁也今
廳事移而祠亦廢景行謂何所當一議創復者

知龍溪縣事

林 迺 翁德廣

林迺字吉夫興化人政和三年以奉議郎知龍溪平易近
民秩滿民乞留任凡九載蔡京林出也嘗求交於迺謝
不往其大節如此

翁德廣建寧人淳熙十五年以朝奉郎知龍溪剛直敏練
縣所解徒流以上委曲難問必盡獄情司理院再行審
鞠卒無所異案牘盈堵隨事處斷終朝立盡縣財賦浩

繁八郡經費賴以取足德廣從容應辦用足民安時朱文
公守漳疏子朝稱德廣庶幾古之循吏人以為不愧云
縣尉

李熙

李熙字子明侍郎彌遜子也性廉仁明敏長子理劇乾道
間以人才舉任龍溪縣尉統旗軍監福河福河當三江
之會萑苻出沒民甚苦之熙政令嚴肅風聲所至狐鼠
潛遁一方以寧乃擴其署偏為祠祀父忠肅彌遜及胡
忠簡銓每月朔集耆老講忠孝民大感悅淳熙元年卒

干官

採福河李氏
家譜補入

知漳浦縣事

呂 瑋 傅希龍 沈 造 陳舜申 趙師縉

呂瑋字李玉晉江人景祐間以進士知漳浦時縣治山林
蒙翳瑋教民焚燎而耕建學擇師作養人士汀虔寇發
瑋募民為兵教以攻守之法賊不敢犯境有虎患瑋設
穽以待之祝曰暴吾民者入吾穽三日虎自投穽既去
民祠之後官至光祿卿

傅希龍字廷允仙遊人待制楫之從子也登元祐進士知
漳浦作興文教鑿河引潮水白鹿溪入達泮池人呼為
傅公河浦人登第日盛性鯁直不附二蔡終本縣令

沈造字次仲浙江縉雲人知漳浦有善政時海寇將入境聞造政聲悉引去

陳舜申字宋謨連江人七歲能屬文登淳熙進士歷衡陽秭歸教授遷知漳浦問民疾苦多所建置部使者行縣覈治狀以聞入為著作郎輪對以正心任人為先直而不許上皆嘉納後有忌之者主管武夷冲祐觀起叅淮閩未赴卒

趙師縉不詳何許人紹定間知漳浦先是學宮災師縉至易坎山為亥重建之以應堪輿是年膺薦者八人科第自此寢盛邑郭西有古陂受西來諸山水闕久枯落闢

而治之沿陂為堤立斗門以資蓄洩度陂之廣可五百一十五丈溉民田難頃計後為旁湖居民所侵萬歷間知縣房寰按圖追復官收其利為公費申請當道立祠湖上祀之

知長泰縣事

黃 穎 王 序

黃穎字仲實莆田人嘗就學陳襄元祐間舉經明行脩科天下弗應者二人穎其一也哲宗間穎所以弗應襄時為中丞乃疏穎學行以對帝降袍笏就其家起之更三期母趣之乃行初調清溪尉歷劍浦簿郡守方金薦改

官穎力辭轉知長泰脩治學舍晨興理縣事日中與諸生考古今論義理逮暮迺歸宋職官皆有田穎以職田未徵穀三百石皆以與耕民尋權龍溪尉卒其子公坦有父操兩縣士民賣金帛為賻公坦一無所受公坦宣和六年登進士第官通直郎王序字景禮晉江人咸淳間進士授龍溪尉歷知長泰清脩自勵方正不同時郡僉幕預徵大禮銀及打量田土文檄甚峻序白郡力爭之郡守愈加敬任後攝守惠州民戴之若父母宋亡不仕徜徉終身

縣丞

儲惇叙

儲惇叙字彥倫晉江人崇寧末進士調龍溪丞有善政民信愛之擢知寧德民為立祠後通判賀州歷官三十餘年以清節著有詩文號玉泉集

主簿

王濟方 壬

王濟字巨川政和元年初召試學士院補龍溪主簿時調福建輸鶴翎為箭羽鶴不多得而有司督責殊急一羽至數百錢民甚苦之濟諭民以鵝翎代輸仍驛奏其事詔從之令旁郡悉如濟所陳邑有陂塘數百頃先為里

漳州府志

卷之二十四

宦績一

三

二百六十六

豪包課而專其利濟悉取之引水以灌民田田無曠患
汀州以銀冶構訟十年不決逮獄至數百人轉運使命
濟鞫之一訊盡得其情坐者數人而已後遷光祿寺丞
官至江西路安撫使

方壬字若水莆田人嘗遊太學過建安必謁朱晦翁熙寧
十四年登進士第調長泰主簿時晦翁刺漳州辟主學
事以壬所上講說課義等十事令屬邑倣之學舊取陂
塘錢廩士壬以學校道義之地不可納無名之賦請以
廢寺租代之又請蠲僧寺子斗錢罷科茶錢皆如其言
及晦翁召還出大學章句付壬刊示學者明年龍巖有

卒殺人獄吏抑伏同行者罪漳浦有僧斃于佃家鞠驗
者皆云服毒郡委按狀壬覈實抵卒及佃罪晦翁聞之
貽書曰龍巖之行使無罪者不以冤死有罪者無所逃
刑非細事也秩滿除知寧都縣萬歷間令方應時請從
祀朱文公祠

縣尉

魏郁

魏郁字周文南平人少游學京師中上庠及登第建炎中
補漳浦尉適洞蠻竊發朝命招撫之郁被檄先往數日
朝命不至蠻以爲誑已使立兩中窳辱之毅然不少屈

漳州府志

卷之三十五

宦績一

三

二百二十三

後洞蠻得命悅甚厚宴之餽以白金五百良馬二郁不

受

教授

陳知柔 敖陶孫

陳知柔字體仁永春人紹興壬戌進士二十六年為漳州
教授嘗題諸學官名氏于壁朱文公為同安簿以公事
持檄至漳知柔館之文公因為之記又立先賢祠而自
為記知柔與秦檜子熿故同榜也檜顯國凡熿同榜人
皆拔援貴顯知柔獨齟齬不合仕終安撫司參議雅好
山水盛年從仕已動歸輿因自號休齋有集行于世

敖陶孫字器之福清人慶元己未進士嘉定四年為漳州

教授州學租為人所侵占者歸之學門淺陋者闕之時

趙汝讜作守郡志未備請趙脩之是為嘉定志汝讜待

以賓禮于郡圃闢一門通學廳以便往來陶孫少侷儻

援筆立就弱冠入太學韓侂胄用事貶逐朱熹陶孫首

以詩送之趙丞相汝愚以謫死陶孫哭之以詩云左手

旋乾右轉坤羣公相燭動流言狼胡無地容姬且魚腹

終天弔屈原一死固知公不免孤忠賴有史長存九原

若遇韓忠獻休說渠家未代孫詩仕終温陵僉判有臞

庵集行于世

舊志論曰令最親民得其人而百里蒙福焉漳循良至

宋而盛舊乘所載止林廸以下十數人蓋慎重之也宋

進士初試多爲主簿故王濟方任俱有聲于時兩教授
當秦韓權相時俱不附炎斯聞修篤行君子哉

○元

漳州路達魯花赤

要忽難 迭理彌實

要忽難至元中爲漳州路達魯花赤築城以備不虞保民
以安其業民至今德之

迭理彌實字子初合魯溫氏西域人也性剛介事母至孝
至元末爲漳州路達魯花赤時陳有定初取漳命張理

問者爲總制官民苦腴剝迭理彌實釐正庶務興利鋤
害民用少康丁未明師取閩次及漳迭理彌實方圖守
禦守將領軍先遁統制官已送款及招諭使入境或勸
當郊迎迭理彌實具朝服北面再拜曰臣受國恩厚矣
今力不能支報國惟有死耳遂引斧椎刺血書笏曰大
元臣子置案上自刎死猶執刀據坐毅然如生州人聞
之會哭中庭聲震地乃相與具棺歛屍葬東門外歲久
墳圯爲人所侵成化五年按察副使何喬新觀風至漳
迭氏元孫朝輔言狀乃爲復之建祠墳所立石以紀其
事立楔于通衢扁曰表忠

總管

張泉逸 金 璣 羅 良

張泉逸延祐中為漳州路總管寬以恤民嚴以馭吏以興學校為已任事簡民安翕然向化

金璣後至元初為漳州路總管淳厚廉謹吏不敢欺百廢具舉

羅良字彥溫汀州長汀人少負俊才善謀畧至元四年南勝賊李志甫圍漳州守將搆思監與戰失利良領貲募義兵從江洲平章別不花討志甫平之論功奏授長汀尉至正十一年因擒龍溪反囚駐漳州未幾南勝番寇

吳仲海等繼發江西詹天驥掠邊境良悉討平之陞漳州新翼萬戶用兵專以設伏取勝以弧矢威敵遠近盜賊皆畏其名十三年寇逼福州平章燕只不花徵良兵良率兵千餘人沿海道晝夜兼行至城下令以藥弩射之中者立死賊視其矢驚曰漳州羅萬戶軍也何以至此即駭散遁去平章開城勞師復奏授黃金符印其後平安溪西林諸賊陞資善大夫行中書省參知政事仍鎮漳州二十三年討潮賊陳國珍兵至潮陽連戰俱捷國珍南奔良襲殺之悉平其黨陞資政大夫福建行省右丞廣東道宣慰使又以樓船載糧沿海道直抵遼東

給行在軍餉上嘉其忠解衣賜之進光祿大夫兼管內
勸農防禦事世襲漳州路總管柱國晉國公疏封其三
代二十六年陳有定據福建攻諸郡兵勢甚張遠邇聞
風投款良獨貽書責之大畧謂汀州之復不可以功自
恣燕只不花不可以威逼今乃破郡邑為家貲驅官僚
為臣僕口雖為國心實為私凡百餘言詞甚剴切有定
怒大發兵攻良良使三千人操弩矢設伏江東以待之
且誠曰但有他警慎勿輕移汛地俄而有定兵攻滄海
佯言欲奪海州趨潮直下千戶長張石古等違良節制
悉兵赴之有定兵遂渡柳營江良迎戰於馬岐山敗績

遂圍漳城連攻旬日良下令示以死守先是有百戶長
盧積者因行軍失律良以法誅之其子善徵驍勇復置
之幕下時使領北城軍善徵陰與有定兵約為內應遂
開北門以叛有定兵入市良巷戰而死其繼室陳氏名
德金聞良戰死即自投後園池內及二婢俱從死其弟
萬戶羅三亦罵賊不絕口死良長子安賓將兵救父眾
散亦自刎壯士從良死者百餘人有定義其忠節不掠
其後命瘞良屍後良葬于西渡頭
雙路口樂仁舖郡人哀陳氏之死相
與昇葬于綠江之濱呼為烈婦塚良子八人安賓死餘
俱衰絕惟第七子金剛相字尚庸者有後今其子孫散

處龍溪云

按吳朴紀畧云良守漳州為政周密修文廟作清漳書院飭名第坊周先生祠宇擗節浮

費育材養士民有控剽決疏理不凝滯定賦役編其戶之上第其產之豐薄不貸豪右不暱親舊貧富均平吏胥絕弊鄰里有流移來歸者必存撫而衣食之課農桑田地無有蒿萊風雨應期年屢大有又作譙樓遷驛舍築城浚隍作柵管江石橋脩唐將軍祠并南嶽浮屠老氏寺觀古跡皆出公田粟私帑金又以南詔場肇置屯田未署官吏歲發兵屯守民以為病乃疏請于朝設屯田萬戶府置千百夫長給印章空名宣勅俾得擇人任用於是選吏士立部伍定賞給分田賜牛寓兵于農入耕出戰要衝置戍營壘聯絡軍無多取人無遠輸食足兵強邊威大振

前志論曰羅良起布衣為國宣力平郡盜位列公侯偉哉丈夫矣顧其足多者不獨戰功良守漳脩舉廢墜師武民安責陳有定一書凜然君臣大義有定弗自懲艾

擅興師旅殘掠城邑賊殺王官君子觀于良之始末而正有定之為元賊也

推官

烏古孫良楨

烏古孫良楨字幹卿臨潢人烏古孫澤之子以父蔭補江

陰州判官調武義尹有惠政及為漳州路推官獄有疑者悉平反之上言律徒者不杖今杖而又徒非恤刑意宜加徒減杖朝廷從之著為令移泉州益以治狀著復

轉延平判官

烏古孫澤嘗從元師攻都取閩興化軍通判陳瓚堅守城不下及攻都命屠滅孫

澤諫不聽乃說峻都張世傑攻泉州方憲不如開南門令民得逃去傳報世傑峻都從之一時全活者甚衆見

元史 知事

關文興

關文興建康人以土軍隸傅招討麾下為軍府知事時漳寇滋蔓既殫復作至元戊寅番寇陳弔眼據漳城張元師擊走之移傅招討軍鎮漳關文興當行妻王氏請與俱文興辭以漳多寇王氏曰夫妻義同死生居二載陳弔眼乞降于福建行省時初革命務懷徠攜貳俾人城與民雜處亡何復叛弔眼夜率眾殺傅招討家官軍死者十八九文興聞變奮不顧身出與賊遇乃大罵賊賊

斷其舌以死

揭記作戰死

王氏出視夫為賊所執欲室之王

氏給曰葬吾夫即汝從賊為積薪焚屍王氏赴火以死後本路上其事詔即其故營立烈女坊後漳人并文興事言之不置乃下太常定封諡封關文興英毅侯王氏貞烈夫人立雙節廟東門外有司春秋致祭

縣達魯花赤

買撤都刺

買撤都刺至正十五年為漳浦達魯花赤存心愛民廉而有守勤而不廢時縣無堅城賊至棄遯不敢守買撤都刺以石築之邑賴以全後没于官民立祠祀之樹坊曰

懷德

縣尹

唐大年 鄧朝陽 蔡淳 勿都火者 扈海

韓景晦

唐大年以行省知事至正八年攝龍溪尹寬以愛民毅以任重吏不敢欺以私民不敢違其令

鄧朝陽至正十一年任龍溪尹以興利除害為務擇學行之士使為鄉師以教民革其獷悍之俗民畏懷之

蔡淳龍溪人秦志作長秦人宋治中君澤之後以蔭補香洲務官

元至正五年賊萬貴與嘉禾千戶何迪立叛寇漳泉二

郡漳州路高指揮薦淳武勇與兵三千人遣擊賊賊益

兵圍之三匝總管遣兵赴援淳從寨中夾擊大破之餘

黨悉平行省上其功陞攝長泰尹十四年寇李角車叛

淳單騎諭之賊歸欵事聞封正尹世襲焉

勿都火者字明卿始以却契丹進歷任古田主簿藩司斷

事經歷至正己亥一作己丑廉訪使以便宜行事署火者攝

長泰縣明年夏入貢京師得實授縣尹為人廉介精明

不避權幸鋤強梗植善良工役以時百廢俱舉郡知事

張邦翰作政績碑以述其美焉

扈海字巨源衛輝人至正一作至元中為南靖縣尹與學校均

徭役撫字勤勞政清訟簡時番寇煽亂海屹不為動賊
夜入海罵曰尹承王命父母汝也汝欲殺父母耶賊駭
散屏迹及解任民為立去思碑

韓景晦至正中為南靖縣尹初至值番寇亂又苦瘡痍請
于朝徙縣治于雙溪改南勝為南靖完城堡以貧民居
興學校以勵風俗政平訟簡民至今思之

王簿

陳文積

陳文積福寧州人至正間以蔭叙任長泰主簿公平謹慎
守已愛民常脩邑城以固保障御史王天智有新城記

美其事

周瑛論曰元祚歷九十三年以郡志弗脩而累政冠
子行事皆無所考若烏古孫良正買撤都刺勿都火
者之循良扈海之靜鎮迭理彌實闕文興蔡淳之忠
勇皆其良也故特表而出之

漳州府志卷之二十四終

[Faded vertical text, likely bleed-through from the reverse side of the page]

11/494

